

四庫全書

集部

欽定四庫全書

石倉歷代詩選卷一百三十三

明 曹學佺 編

宋詩十

周惇頤

題瀼溪書堂

元子溪曰瀼詩傳到于今此俗良易化不欺顧相欽廬  
山我所愛買田山之陰田間有清水清泚出山心山心

無塵土白石照沈沈潺湲來數里到此始澄深書堂構  
其上隱几看雲岑倚梧或歌枕風月盈中襟有時吟復  
默酒罷鳴幽琴數十黃卷軸賢聖談無音窗前即疇圃  
園外桑麻林芋蔬可卒歲絹布足衣食吾樂蓋易足名  
漁以自箴誰為相朝暮岸木寒蕭森

書窗夜雨

秋風拂盡熱半夜雨淋漓遶屋樹芭蕉一枕高響園恰  
似釣磯畔蓬窗睡覺時

石塘橋晚釣

濂溪溪上釣思歸復何為釣魚船去穩寵辱不相隨肯  
為爵祿重白髮猶羈縻

靜思篇

靜思歸舊隱日出半山晴醉榻雲籠潤吟窗瀑瀉清得  
閒方達士失計只勞生朝市誰頭白車輪未曉鳴

贈譚虞部致仕

清時望郎貴白首故鄉歸有子紆藍綬將孫著綵衣松

喬新道院鶴老舊漁磯知止自高德寧為遁者肥

天池

斯須暮雲合白日無餘暉金波從地湧寶焰穿林飛僧  
言祇自在俗駭無因依禽鳥來吟宿相忘矢者機

遊大林

三月山房暖林花互照明路盤層頂上人在半空行水  
色雲含白禽聲谷應清天風拂襟袂縹緲覺身輕

宿崇聖院

公程無暇日暫得宿清幽始覺空門客不生浮世愁  
溫泉喧古洞晚磬度危樓徹曉都忘寐心疑在沃州

題浩然閣

劉侯戴武弁政則心吾儒士茂先興學子賢勤讀書歆  
為莫不善才力益有餘西北方求帥林間寧久居

題寇順之道院壁

一日復一日一杯復一杯青山無限好俗客不曾來  
往事已如此朱顏安在哉寄與地上客歷亂竟誰催

憶江西提刑何仲容

蘭似香為友松何枯向春榮來天澤重歿去繡衣新晝  
作百年夢終歸千古塵痛心雙淚下無復見斯人

題春晚

花落柴門掩夕暉昏鴉數點傍林飛吟餘小立闌干外  
遙見樵漁一路歸

題大顛壁

退之自謂如夫子原道深排佛老非不識大顛何似者

數書珍重更留衣

牧童

東風放牧出長坡誰識阿童樂趣多  
歸路轉鞭牛背上  
笛聲吹老太平歌

經古寺

琳宮金刹接林巒一徑潛通竹塢寒  
是處塵埃皆可息  
時清終未忍辭官

題鄴州仙都觀



山盤江上虬龍活殿倚雲中洞府深欽想真風杳何在  
偃松喬柏共蕭森

宿山房

久厭塵氛樂靜年俸微猶乏買山錢徘徊真境不能去  
且寄雲房一榻眠

遊赤水縣龍多山書仙臺觀壁

到官處處須尋勝惟此合陽無勝尋赤水有山仙甚古  
攀躋聊足到官心

和費君樂遊山之什

雲樹巖泉景盡奇  
登臨深恨訪尋遲  
長樓未得題名記  
猶有君能雅和詩

江上別石郎中

落葉蟬聲古渡頭  
沙灘人擁欲行舟  
別離情似長江水  
遠亦隨君日夜流

香林別趙閱道

公暇相陪塵外遊  
朝天仍得送行舟  
軒車更命入山脚

旌旆且從留渡頭精舍泉聲清瀼瀼高林雲色淡悠悠  
談終宴罷愁分袂明日瞻思上郡樓

同石守遊山

朝事誰知世外遊松杉影裏入吟幽爭名逐利千繩縛  
度水登山萬事休野鳥不驚如得伴白雲無語似相留  
傍人莫笑凭欄久為戀林居作退謀

任所寄鄉關故舊

老子生來骨性寒宦情那改舊儒酸停杯厭飲香醪味

舉筋常餐淡菜盤  
務劇不知筋力倦  
官清贏得夢魂安  
故人欲問近來況  
回首春陵朝暮看

附張載

載近觀漢魏而下  
樂府有名正而意調  
卒卑者  
嘗革舊辭而追正  
題意作樂府七篇

靈旗指不庭  
方大風泱泱  
天外揚短簫  
歌歌愜康朝廷  
萬年繼明重  
光曾孫稼如  
茨梁家與萬  
邦純嘏有常

右短簫歌

日重光天際翔願言貞明永瞻望月重輪  
淡溟淵願猶月之恒協帝儀中天

右日重光

度關山循九州省耕寬徭詢明幽人為貴  
兮哀我人斯

敢余休

右度關山

雞鳴嘒嘒兮台懷憂兄弟表裏兮台心求  
黃金門白玉堂置酒愜樂榮華有光桃傷  
李僵爾如或忘

右雞鳴

對酒今朝樂時明昌物若人和台憂彌忘  
嘉與臣隣在

帝讌樂允余武兮無荒

右對酒今朝

小雅廢兮東山不作哀我人斯皇心不樂烝哉斯人胡  
然而天兮王師於鑠

右燕歌行

古風出東門我行樂中慕今歌東門行牽衣強留甘鋪  
靡仗劒去予忽如遺時清君去予心哀

右東門行

移疾

移疾謝華省問耕還歇舍扶持便踈慵曠僻逃將迓晝

慕莎徑側暮粥桐陰下久矣澄清心永愧桑弧射

古樂府君子行

君子防未然見幾天地先開物象未形彌留憂患前好  
賢立無方不恤流言喧將聖見亂人天厭懲孤偏竊攘  
豈予思瓜李奚足論

孤宦

孤宦殊方意自違隣光茲幸託餘輝人心識盡童心減  
世事諳多樂事稀直有歲寒甘栢說終無春思惜花飛

豈同毛刺堵間客向望他門卜所依

宿興慶池通軒示同志

清洞庭下千竿竹百尺斑斕聳蒼玉通軒軒外萬頃陂  
陂接南山天與齊唐基一壞半禾黍舉目氣象增愁思  
我來正當搖落時塵埃七日無人知東平叔子信余友  
問學不厭堅相隨君莫痛今鳳沼湮又莫悲今花萼墮  
所憂聖道久榛塞富貴浮雲眼空過明發余西叔且東  
高談更為通宵坐



送蘇脩撰赴闕

秦弊于今未息肩高蕭從此法相沿生無定業田疆壞  
赤子存亡任自然

其二

大道寧容小不同顓愚何敢與機通井疆師律三王事  
請議成功器業中

別館中諸公

九天宮殿鬱嵒崑碧瓦參差迫絳霄藜藿野心雖萬里

豈無清聽向皇朝

土牀

土牀煙足紉衾暖瓦釜泉乾豆粥新萬事不思溫飽外  
漫然清世一閒人

貝母

貝母階前蔓百尋雙桐盤遶葉森森剛強顧我蹉跎甚  
時欲低柔警寸心

送呂晦叔赴河陽


曉日都門颭旂旌晚風鏡吹入三城知公再為蒼生起  
不是尋常刺史行

贈司馬君實

二龍閒卧洛波清今日都門獨餞行願得賢人均出處  
始知深意在蒼生

題館壁

壁門金闕倚天開五見宮花落古槐明日扁舟江海去  
却從雲氣望蓬萊



石倉歷代詩選卷一百三十三

欽定四庫全書

集部

石倉歷代詩選卷一百三十四至九

詳校官庶吉士臣范逢恩

侍讀臣孫球覆勘

總校官進士臣朱鈐

校對官中書臣方大川

謄錄監生臣馮國柄

欽定四庫全書

石倉歷代詩選卷一百三十四

明 曹學佺 編

宋詩十一

程 顥

顏樂亭

為孔周  
翰作

天之生民是為物則非學非師孰覺孰識聖賢之分古  
難其明有孔之遇有顏之生聖以道化賢以學行萬世

心目破昏為醒周爰闕里惟顏舊止巷汙于榛井湮而  
圯鄉閭蚩蚩弗視弗履有卓其誰師門之嗣追古念今  
有惻其心良賈善諭發帑以金巷治以闢井渫而深清  
泉澤物佳木成陰載基載落亭曰顏樂昔人有心予忖  
予度千載之上顏惟孔學百世之下顏居孔作盛德彌  
光風流日長道之無疆古今所常水不忍廢地不忍荒  
嗚呼正學其何可忘

遊鄠山詩



僕自幼時已聞泰山多奇若有扈者尤復秀出常恨遊  
賞無便嘉祐二年始應舉得官遂請於天官氏願主簿  
書於是邑謂厭飫雲山以償素志今到官幾二年矣中  
間被符移奔走外幹者三居其二其一則簿書期會倉  
廩出入固無暇息惟白雲特在山面最為近邑常乘間  
兩至其餘佳處都未得往變化初心辜負泉石五年二  
月初吉聞貳車是公來遊諸山先是是公見約同往會  
探吏失期二日早是公以書見命始知車騎已留草堂

走白邑大夫張君時民產有在山麓者以罪沒官府符  
方命量其租入之數因請以往鞭馬至山而晁公已由  
高觀登紫閣還憩下院見待已遂奉陪西遊經李氏五  
花莊息駕池上夜宿白雲精舍詰旦晁公西首僕復並  
山東遊紫閣登南山望仙掌回抵高觀谷探石穴窺石  
潭因周視所定田徜徉於花林水竹間夜止草堂是晚  
雨氣自西山東始慮不得徧詣諸境一霎遂霽明旦入  
太平谷憩息于重雲下院自入太平谷山水益奇絕殆

非人境石道甚熾下視可憐往往步亂石間入長嘯洞  
過虎溪西南下至重雲閣訪鳳池觀雲頂凌霄羅漢三  
峯登東嶺望大頂積雪復東北來雲際下深澗白石磷  
磷於間水聲清冷可愛坐石掬水戀戀不能去者久之  
遂宿大定凌晨登上方候日初上西望藥山北眺大頂  
千峯萬巒目極無際下山緣東澗渡橫橋復憩于重雲  
下院出谷遊太平宮故址而歸馬上率爾口語往往成  
詩章自入山至歸凡四日得長短詠共若干篇姑存之

以志遊覽之次第云

紫閣

仙掌遠相招縈紆渡石橋暝雲生澗底寒雨下山腰樹  
色千層亂天形一罅遙使紛難久駐回首羨漁樵

高觀谷

轟雷疊鼓響前峯來自彤雲翠靄中洞穴積陰成氣象  
鬼神憑暗擅威風噴崖雨露千尋濕落石珠璣萬顆紅  
縱有虬龍難作祟還應不是旱時功

草堂

參差臺殿綠雲中  
四面簷簷一徑通  
展讀華陽真誥上  
神仙居在碧琳宮

長嘯巖中得水以石敲食甚佳

車倦人煩渴思長巖中冰片玉成方老仙笑我塵勞久  
乞與雲膏洗俗腸

遊重雲

久厭昏昏萬慮塵  
喜尋泉石暫清神  
目勞足倦深山裏

猶勝低眉對俗人

凌霄三峯

長嘯巖東古寺前三峯相倚勢相連  
偶逢雲靜得見日  
若有路通須近天  
恠石似雷鳴谷底  
老松如雪著崖顛  
結根不得居平地  
猶與蓮花遠比肩

雲際山

南藥東邊白閣西  
登臨身共白雲齊  
上方頂上朝來望  
陡覺羣峯四面低

是遊也得小松黃楊各四本植於公署之西窗

戲作五絕呈邑令張寺丞

興宗

中春時節百花明何必繁絃列管聲  
借問近郊行樂地黃溪山水照人清

有生得遇唐虞聖為政仍逢守令賢  
縱得無能閒主簿嬉遊不負艷陽天

獄訟已聞冤滯雪田農還喜土膏勻  
只應野叟猶相笑不與溪山作主人

春雪

二月將臨尾，羣陰久退潛。只知桃李艷，何復雪霜嫌。密  
霰仍先集，飄靈忽散霑。帶風成料峭，和雨作廉纖。江漢  
初彌望，珠璣間得魚。片痕才著瓦，斜勢漸穿簾。鳥化遼  
城鶴，途鋪越女縑。落英時鬪舞，飛絮或同黏。寒怯開闌  
賞，光凝伴月覘。價增樵市炭，興入酒家帘。惜竹頻敲葉，  
愁花旋覆苔。失權悲太皞，助虐有飛廉。積勢方平壠，漸  
流已墜簷。東君莫惆悵，杲日待重瞻。



新晴野步

青帝芳成萬物春如何淫雨害芳晨  
乞求共指雲間日  
悔恨輕嫌陌上塵  
消盡風威猶料峭  
放開春色已嶙峋  
燕遊莫道王孫樂  
亦有羲皇更上人

西湖

溪水橋邊鴨子陂  
樓臺只在郡城西  
煙波乍見心先快  
島嶼將尋路欲迷  
盡日無風橫舴艋  
有時經雨飲虹霓  
如何咫尺塵埃地  
不使遊人續杖藜

環翠亭

城居不見萬山重因起高亭破遠空  
虛曠直疑天宇外周旋如在畫屏中  
凝風散藹層層出削玉排青面面同  
暫得登臨已忘去四時佳致屬賢公

陪陸子履白石萬固

條山蒼蒼河流黃中蒲形勢天下疆  
帝得賢侯殿一方四年不更慰民望  
元豐戊午季春月上心閑雨愁黎蒼  
使車四出走羣望我亦奉命來陝疆  
精誠感格天意順

詔書才下雨已霽病麥還青禾出土野農鼓舞歌君王  
故人相見不道舊為雨歡喜殊未央聖主寬憂小臣樂  
自可放蕩舒中腸白石萬固皆勝地主人挈我攜壺觴  
況逢佳日俗所尚車馬未曉填康莊扶提十里雜老幼  
迤邐千騎明戈鎗初聽鳴鐃入青靄漸見朱旂輝朝陽  
遨頭自是謝康樂後乘獨慚元漫郎侯來雖知有賓客  
衆喜更為將豐穰臨溪坐石徧巖谷幽處往往聞絲簧  
山光似迎好客動日景定為遊人長乘高望遠興不盡

金  
卷一百三十四  
戀戀不知岐路忙人生汨沒苦百態得此樂事真難常  
我辭佳境已惆悵侯亦那得久此鄉他時會合重相語  
辜負泉石何能忘

題淮南寺

南去北來誰得休白蘋吹盡楚江秋道人不是悲秋客  
一任晚山相對愁

和詠草

漸覺東皇意思勻陳根初動夜來新忽驚平地有輕綠

已蓋六街無舊塵莫為枯榮吟野望且憐愁醉祝香輪  
詩人空怨王孫遠極目萋萋又一春

遊月陂全諸公

月陂堤上四徘徊北有中天百尺臺萬物已隨秋氣改  
一樽聊為晚涼開水心雲影閒相照林下泉聲靜得來  
世事無端何足計但逢佳日約重陪

和王安之

閒坊西曲奉常家景物天然占一窠恰似庾園基址小

全勝滬澗路途賒知君陋巷心常足比我僑居樂已奢  
且喜杖藜相過易隔牆無用少遊車

和諸公梅臺

急須乘興賞春英莫待空枝謾寄聲淑景暖風前日事  
淡雲微雨此時情

後一日再和

常勸嬉遊須及辰莫辭巾屨染埃塵祗應風雨梅臺上  
已減前時一半春

郊行即事

芳原綠野恣行時，春入遙山碧四圍。  
興逐亂紅穿柳巷，困臨澄碧坐苔磯。  
莫辭盃酒十分醉，祇恐風花一片飛。  
況是清明好天氣，不妨遊衍暮忘歸。

春日江上

新蒲嫩柳滿汀洲，春入漁汀一棹浮。  
雲幕倒遮天外日，風帘輕颺竹間樓。  
望窮遠岫微茫見，興逐歸槎汗漫遊。  
不畏蛟螭起波浪，却憐清泚向東流。

下白徑嶺先寄孔周翰郎中

驟經微雨過芳郊轉覺長河氣象豪  
歸騎已登吳坂峻飛雲猶認華山高  
門前岐路通西國城上樓臺厭巨濤  
欲問甘棠舊風化主人邀客醉香醪

陳公廐園修禊事席上賦

盛集蘭亭舊風流洛社今坐中無俗客  
水曲有清音香篆來還去花枝泛復沈  
未須愁日暮天際是輕陰

新晴野步



陰曠消除六幕寬  
嬉遊何事我心閒  
鳥聲人意融和候  
草色花香藹澗水  
底斷霞光出岸雲  
頭斜日影銜山  
若憑詩思為描寫  
却恐騷人閣筆還

石倉歷代詩選卷一百三十四

欽定四庫全書

石倉歷代詩選卷一百三十五

明 曹學佺 編

宋詩十二

邵雍

閒吟

居洛八九載投心惟二三相逢各白首共坐多清談人  
事已默定世情曾久諳酒行勿相逼徐得奉醺酣

高竹

高竹碧相倚自能發餘清時時微風來萬葉同一聲道  
汙得夷理物虛含遠情堦前閒步客意思何清平

其二

高竹雜高梧還驚秋節初晚涼猶可喜舊帙亦宜舒池  
閣輕風裏園林晚景餘人生有此樂何必較鎔銖

秋遊

七月芙蓉正爛開東南園近日徘徊有時風向池心過

無限香從水面來  
罨畫溪深方誤入  
洞庭湖晚未成迴  
坐來一霎蕭蕭雨  
又送新涼到酒杯

旅中歲除

比到明年無數刻  
且令芳酒更斟回  
星杓建丑晦將盡  
歲箭射人春又來  
不用物情閒作梗  
大都心緒已成灰  
浮生更在浮雲外  
瞬息光陰况便催

謝富丞相招出仕

欲遂終焉閒老計  
未知天意果如何  
幾重軒冕酬身貴

得似雲山到眼多  
好景未嘗無興詠  
壯心都已入消磨  
鵷鴻自有江湖樂  
安用區區設網羅

至福昌縣作

清景幾人愛愛之當遠尋  
及臨韓嶽近始見洛川深  
縣在雲山腹民居水竹陰  
無機類閒物愈覺少知音

燕堂暑飲

燕堂通高明簷依斷崖巖  
涼風來松梢清泉飛竹陰  
佳果間紅綠旨酒隨淺深  
却思闌闌間鬱蒸不可任

秋懷二首

晴窗日初曛幽庭雨乍洗紅蘭靜自披綠竹間相倚榮  
利若浮雲情懷淡如水身非天外人意從天外起  
斷續蟬聲外稀疎鴈影前年光空逝矣人事益蕭然洗  
竹留新筍翻書得舊編誰知養心者肯與世爭權

天津感事

自古別都多隙地參天喬木亂昏鴉荒垣壞堵人耕處  
半是前朝卿相家

後園即事

太平身老復何憂，景愛家園自在遊。  
幾樹綠楊陰乍合，數聲幽鳥語方休。  
竹侵舊徑高低迤，水滿春渠左右流。  
借問主人何似樂，荅云殊不異封侯。

十四日留題福昌縣宇之東軒

洛川秋入景猶嘉，微雨初過徑路斜。  
水竹洞中藏縣宇，烟嵐塢裏住人家。  
霜餘紅間千重葉，天外晴排數縷霞。  
溪淺溪深清瀨澗，峯高峯下碧查牙。  
鳥因擇水飛還遠，



雲為無心去更賒蓋世功名多齟齬出羣才業足谷嗟  
浮生日月仍須惜半老筋骸莫強誇就此巖邊宜築室  
樂吾真樂趣無涯

無酒吟

自從新法行常苦樽無酒每有賓朋至盡日閒相守必  
欲丐於人交親自無有興來典衣買馬能得長久

和王安之少卿同遊龍門

生平有癖好尋幽一歲龍門四五遊或往或還都不計

蓋無榮利可稽留

數朝從歎看伊流  
夜卜香山憩石樓  
會有涼風開遠意  
更和烟雨弄高秋

秋夜

浮雲一消散  
星斗燦長天  
碧蘚墜丹果  
清香生白蓮  
體涼猶衣葛  
耳靜已無蟬  
坐久羣動息  
秋空惟寂然

謝君實端明惠牡丹

霜臺何處得奇葩  
分送天津小隱家  
初訝山妻忽驚走

尋常只慣挿葵花

和張二少卿丈白菊

籬下曉凝霜  
疎枝殿顚商  
自知能潔白  
誰念獨芬芳  
豈為瓊無艷  
還驚雪有香  
素英浮玉液  
一色混瑤觴

閒吟

平生雖不仕  
隨分亦風波  
所損無紀極  
曰歸仍蹉跎  
既乖經世慮  
尚可全天和  
樽中有酒時  
且飲行復歌

高竹

高竹臨清溝軒小亦且幽光陰雖屬夏風露已驚秋月  
色林間出泉聲砌下流誰知此夜境身世等浮漚

登朝元閣

繡嶺岌層巒岩光十九盤霏微經雨後杳靄出雲端往  
事金輿邈遺蹤玉像殘至今臨渭水依舊見長安

鳳州郡樓上書所見

楊柳垂青青風動如飛蓋危樓思不窮盡日間相對鳥  
去林自空雲移山不礙畫角時斷續層崖遞明晦殘陽

掛雙虹遠水生微瀨久客屬東望意與孤鴻會

春遊

洛城春色浩無涯況此城東景復嘉風力緩搖千樹柳  
煙光輕盪半川花天晴翡翠飛平岸日暖鴛鴦下淺沙  
不見君王西幸久遊人但感髮空華

竹庭睡起

竹庭睡起閒隱几悠悠夏日光景長鶯方引雛教嫩舌  
杏正垂實裝輕黃雨滴幽夢時斷續風翻遠思還飛揚

小渠弄水綠陰密迴首又且數日強

商山道中作

十舍到商顏雖遙不甚艱東西遡洛水表裏看秦山身  
在煙霞外心存今古間庭闈況非遠自可指期還

和商守雪霽登樓

百尺危樓小雪晴晚來閒望逼人清山橫暮靄高還下  
水隔疎林深復明天際落霞千萬縷風餘殘角兩三聲  
此詩此景真堪畫只恐丹青筆未精

二色桃

施朱施粉色俱好  
傾國傾城艷不同  
疑是藥宮雙姊妹  
一時俱肯嫁春風

閒行

園圃正蕭然  
行吟遶澤邊  
風驚初社後  
葉墜未霜前  
衰草襯斜日  
暮雲扶遠天  
何當翹真趣  
止可入無言

月夜

雨霽風自好  
秋深天未寒  
移牀就階下  
看月出林端  
有



酒欲共飲無琴可獨彈  
他時遇良友此景復求難

宿壽安西寺

好景信移情  
林僧款款迎  
為憐多勝槩  
尤喜近都城  
竹色交山色  
松聲亂水聲  
豈辭終日戀  
解榻傍虛楹

牧童

隨行笠與蓑  
未始散天和  
暖戲荒城側  
寒偎古塚阿  
數聲牛背笛  
一曲隴頭歌  
應是無心問  
朝廷事若何

小園逢春



隨分亭欄亦弄妍不妨閒傍酒壚邊夜簷靜透花間月  
晝戶晴生竹外煙事到悟來全偶爾天教閒去豈徒然  
壺中日月長多少爛占風光十二年

天津閒步

天子舊神州葱葱氣象浮園林閒近水殿閣遠橫秋浪  
雪暑猶在橋虹晴不收人間無事日此地好淹留

不寢

閒坐更已深就寢夜尚永展轉不成寐從前事深省真

枕時昏昏擁衾還耿耿西窗明月中數葉芭蕉影

天津感事

雲輕日淡天津暮風急林疎洛水秋獨步獨吟人莫會  
時時鷗鷺下汀洲

鳳樓深處鎖雲煙一鎖雲煙又百年痛惜汾陰西祀後  
翠華辜負上陽天

閒居述事

竹雨侵人氣自涼南窗睡起望瀟湘茅簷滴瀝更初歇

却憶當年宿夜航

遊龍門

江天無少異幽鳥下晴沙  
浴去山形斷川迴渡口斜  
巖千萬穴店舍兩三家  
清景四時好肯令遊興賒

登封縣宇觀少室

天地始融結此山已高極  
羣峯擁旌幢巨石羅劒戟  
日出崖先紅雨餘嵐更碧  
安知無神仙其間久遁跡

十一日福昌縣會雨

雲勢移峯緩泉聲出竹遲此時無限意惟有翠禽知

依韻和壽安寺題壁

不向紅塵浪著鞭殊無才業合時賢本酬壯志都無効  
欲住青山却有緣翠竹陰中開繚帙白雲堆裏揖飛泉  
錦屏正與溪南對他日從遊子午傳

二十二日晚步天津次日有詩

溪翁昨晚步天津搔首橋邊佇立頻洛水但聞催去棹  
西風惟解促行人山川慘淡籠寒雨樓觀參差鏢暮春

此景更堪蕭爽會欲霜時候鴈來賓

同府尹李給事遊上清宮

洛城二月春搖蕩桃李盛開如步障高高下下紅相連  
垂楊更出高花上閒陪大尹出都門邛阜真宮共尋訪  
不見翠華西幸時臨風盡日獨惆悵

芳草短吟

花間水畔綠如茵興廢曾經漢與秦占斷山川無限地  
愁傷今古幾何人嚴霜殺盡還逢雨野火燒殘又遇春

不那路傍多此物王孫歸思苦迷津

春盡後園閒步

綠樹成陰日黃鶯對語時小渠初瀦灩新竹正參差倚  
杖閒吟久攜童引步遲好風知我意故故向人吹

依韻和王不疑少卿招飲

經難憶浮丘吾鄉足勝遊風前驚白髮雨後快新秋仕  
宦情雖薄登臨興未休人間憂喜事都不到心頭

春日登石閣

滿洛城中將相家  
廣栽桃李作生涯  
年年二月凭高處  
不見人家只見花

舉世吟

舉世自紛紛  
誰為無事人  
吾生獨何幸  
卧看洛陽春

月陂閒步

因隨芳草行來遠  
為愛清波歸去遲  
獨步獨吟仍獨坐  
初涼天氣未寒時

暮春吟

卷一 三十五  
林下居常睡起遲  
那堪車馬近來稀  
春深晝永簾垂地  
庭院無風花自飛

春暮吟

有意楊花空學雪  
無情榆莢漫堆錢  
窮愁不服春辜負  
酒病依還似去年

答和吳傳正贊善

洛陽城裏一愚夫  
十許年來不讀書  
老去情懷難寫處  
淡烟寒月映松疎



洛陽春吟

春歸花謝日初長  
燕語鶯啼各自忙  
何故遊人斷來往  
綠陰殊不減紅芳

晚暉亭

高亭新建礙烟霞  
暮景能留是可嘉  
最近賞春來往路  
遊人應是問誰家

石倉歷代詩選卷一百三十五

欽定四庫全書

石倉歷代詩選卷一百三十六

明 曹學佺 編

宋詩十三

趙 抃

過胡元賓林亭

我嘗輕歸轅一息快心目亭橋跨幽澗廡砌森怪竹榜  
句多老詞襟風不韻俗開卷味加永照泉清可掬先秋

固爽塏大夏失煩燠樂哉于道外視此樂豈足

題周敦頤濂溪書堂

吾聞上下泉終與江海會高哉廬阜間出處濂溪派清  
深遠城市潔淨去塵垢毫髮難遁形鬼神縮妖怪對臨  
開軒窗勝絕堪圖繪固無風波虞但覺耳目快經史日  
枕藉斗室不為隘有尊足以羹有魚足以鱠飲啜其樂  
真靜正於俗邁主人心淵然澄徹一內外本源孕清德  
遊咏吐嘉話何當結良朋講習取諸兌

寄酬蔡州王陶正言

自顧愚無堪，老大何所用。  
得郡江湖來，一意雲泉縱。  
驚此西南身，連夕東北夢。  
乃知故人念，許與明月共。  
荆書一紙賢，季諾千金重。  
寄我瓊瑤篇，使得長諷誦。  
寒松獨唳鶴，高梧有鳴鳳。  
何日謝知音，為鼓商絃弄。

遊南山宿盤龍寺

盤龍得山名，寺占山之下。  
老師草庵居，後嗣廣精舍。  
禪流日益盛，寂照騰詩價。  
我來誨其徒，競以相誇詫。  
少林

的的意一語獨無暇默然坐明窓孤蟾徹清夜遲曉登  
終南行行與誰話

順風呈前人

濠州抵泗里數百長淮波平曉如席鳴犇解絳楊柳堤  
畫船中有東吳客君恩得請許歸去聊治里閭云咫尺  
歲窮天遠心欲飛念之汲汲事行役豁如天意適我願  
號令西北起風伯初時淅淅似鼓動布帆尚留十幅窄  
孤檣得勢安以平中流激箭巨浪擘篙橫櫓閣力不用

疾若摯隼增羽翮瞥然兩岸瞬霎過木葉馳黃山走碧  
桴舟月餘今日快一樽自歌兩手拍樽中酒空不自歌  
順風好景如之何毗陵太守同此樂為言無惜新詩多

入贛聞曉角有作

江南歷盡佳山水獨贛潺潺三百里移舟夜泊惶恐灘  
畫角烏烏曉風起棲鷗宿鷺四散飛夢魂驚入漁樵耳  
三通迤邐東方明又是篙工造行矣橫波利石千萬層  
板繩縛膊如山登夷途終致險且升自顧忠信平生憑

訪何若谷

君愛仙源壓塵俗高樓對起欄干曲朝霞灼灼浮晴暉  
二十四峯照羣玉樓下長江煙水綠樓前有瀨歸艎促  
主人借問何時還回首崢嶸看不足

次韻僧重喜聞琴歌

我昔所寶真雷琴絃絲珍玉徽黃金畫橫膝上夕抱寢  
平生與我為知音一朝如扇逢秋捨而今只有無絃者  
無情曲調無情聞浩浩之中都奏雅我默彈兮師寂聽



清風之前明月下子期有耳何處聽自笑家風太瀟灑

暖風

薄袂歌雲散輕盤舞袖低簾疎蕩樓閣塵暗逐輪蹄絮  
亂垂楊道香流種藥畦春窻惱閒思一枕杜鵑啼

芳草

翠密馴文雉叢深隱畫輪離披金谷曉寂寞茂陵春古  
渡班荆客長堤走馬人芊芊似袍綠一雨一番新

寒食郊園即事

城郭青煙散郊園彩日長  
鬪雞紅錦翅遊騎紫絲韁  
有蝶俱含粉無人不惜芳  
儘拚花下飲歸去醉成鄉

杜鵑

響亂書窻外人驚夢枕中  
江城啼曉月澤國慙春風  
柳道盤飧綠桃園蹊蹠蹠  
紅年年來此地留恨任西東

溪山晚目

幽花連徑發驚鳥避人啼  
雨過晴虹上風清走馬嘶  
灘平魚艇穩村小酒旗低  
誰及山翁樂號呶醉似泥

村居

午寢忘譏閒居杜送迎  
雨泥雙燕下煙壠一犁耕  
座入山光迴門連野色平  
吟餘仍兀坐誰與戰楸枰

曲館

日華烘玉甃煙縷亘雕甍  
棗熟房櫳暝花妍院落明  
醉輕春有味夢短晝無情  
欲識惜惜意回文織已成

題九仙寺

墜果春三徑蒸雲晚一軒  
廊腰回戰蟻山腹合啼猿  
泉

淡禽窺影苔深鹿印痕自慚名利者聊免世紛喧

言懷寄三兄

沿牒非吾土逢春憶故園于今佐屏帳經歲別鵲原  
訟簡仍開卷時平且屬鞬江鄉去千里凝睇一銷魂

和何節判觀水

澄江抵練長極目路滄茫煙芷差差綠風荷柄柄香  
西流終古恨南浦鎮時忙擬待傳辭意離人在楚鄉

和蔡黃裳節推外邑見貽次首

冉冉成輕別遲遲想倦遊去應寬蕙帶行亦佩吳鉤訪  
隱逢三徑尋真認十洲有人頻倚望何日大刀頭

江上白樂天祠

我愛白司馬停舟來謁祠才名千古照忠義一生奇諫  
切寧思祿讒行却罪詩如何江上客祇道琵琶詞

有虎

有虎競磨牙逢人事攫拏夜聲聞別塢曉跡印平沙迫  
路奔驚犬藏林噪亂鴉過舟無可奈極目是蒹葭

寄任大中秀才

今我歲將暮過橈鸚鵡洲憶君人少與買舍潞江頭客  
路書多絕吾鄉夢半遊明年誰到蜀能寄好書不

向晚

向晚立汀沙人間目更賒林疎僧屋露風轉客帆斜幽  
白孤飛鳥橫紅數抹霞漁翁偶相問憐我宦天涯

和戴天使重陽前一夕宿長沙驛二首

詰旦逢佳節今宵寓遠鄉且欣賓榻解休歎客亭長黃

葉臨風亂紅英  
浥露香酒徒何處  
所空自憶高陽

又

楚館夜衾涼  
離人念故鄉  
遠吟祇覺苦  
歸夢不成長  
壁有寒蛩怨  
鄰聞綠蟻香  
登高在何處  
明日宴山陽

聞楊畋病愈

湖南楊叔武消息  
有人傳連歲征蠻  
徼經秋卧瘴煙  
為時天未喪  
勿藥病還痊  
雲水溶溶去  
憑誰寄此篇

入蜀舟中逢春

春到依羈旅懷開似發絨野禽鳴勝管春草綠于衫水  
暖風微碎山明日半銜巴西寒極地冰雪尚千巖

入蜀江上對月

照不私毫髮波光上下浮明餘到琴溪清極入詩幽忽  
認江湖晝渾疑天地秋閒雲勿輕蔽有客坐孤舟

和韻范御史初出鑠頭

奏懷初無飾天恩亦重違一麾新命下兩槳故關歸淮  
水林林脫霜鴻陣陣飛賢朋詩酒樂行矣自相依



續夢中作

邊寄今儒弁，帷籌得將才。  
甘辛均士卒，號令走風雷。  
驚曉城，輦急吹秋隴。  
笛哀先聲羌膽碎，聞道漢兵來。

經鄱陽湖

捨陸事川程，霜天曉色明。  
長波萬頃濶，大舸一帆輕。  
靜唱村漁樂，斜飛渚鴈驚。  
雲披見樓閣，隱隱豫章城。

次韻周敦頤國博重陽節近見菊

為僚初自喜，邀客亦逢嘉。  
把酒須同樂，分襟莫預嗟。  
未

成登畫舸好共摘黃花試向東籬看秋叢映晚霞

留題脩覺山

按行車暫尼身得止崢嶸江喜淙淙聽雲疑步步生春  
憐花縣好晴遠劒闕明買石鐫豪句高哉老杜名

次韻吳中復龍圖題長橋鋪

山東去蜀右不憚客程遙酒酌杯中桂琴攜囊下焦故  
人題大筆佳句刻長橋一讀離懷解如水暖日消

次韻李元方秀才秋日旅懷

節物奚為感秋懷不自任  
曉寒侵遠夢秋力助高吟  
薄脫驚風葉疎春隔水砧  
商絃調一曲惟予定知音

題靈山寺

我為靈山好登留到日曛  
岩幽餘暑雪鐘冷入秋雲  
篇詠惟僧助塵煩與俗分明  
朝入東棹因得識吾文

送章姑少卿提舉洞霄宮

秘館紅塵外瑤京白日邊  
樽中不空酒琴面已無絃  
曉上朝真閣春耕負郭田  
優游獲自在何處更神仙

覽先祖太博留題國清寺繼和

得謝殊狂客無言愧淨名  
心觀潭月白梵聽海潮聲  
曉色開華頂秋暉照赤城  
公詩播人口冰玉未為清

早離溫江夜泊白沙步

曉與諸孫別依然頗動懷  
去乘蘭棹穩行得綵衣偕  
漁父遙連市村扉半掩柴  
夜來溪上宿夢已在高齋

急帆

江濶北風長高帆盡幅揚  
勢能分巨浪力恐拔危檣  
鷗

驚頻驚迫魚龍相助忙  
峯巒旋岸碧木葉走汀黃  
快似登山去輕于插羽翔  
一程三百里晚泊未斜陽

初入荊江

迢遞辭宸闕遷延換歲華  
舟纔入荊渚人覺在天涯  
浪激多推岸流濡足沸沙  
勢盤帆小便漲淺路頻差  
橫艇叉魚浦搖旗賣酒家  
山微思念越江窄止通巴  
煙色汀蘼淡風光野燒斜  
蠻歌朝競唱祠鼓暮連撾  
渡口初逢柳林邊未見花  
前程春始盛一一待詩誇

庭楠

彼美庭楠植基培幾十年夜來全庇月曉去薄生煙萬  
葉光齊動雙林影共圓幽棲疑有鶴清響為留蟬飲對  
傳三雅琴依按七絃河陽花自媚彭澤柳空眠勢翳門  
闌靜幽侵几案鮮不才逢訟簡吟遠強成篇

蜀倅楊瑜邀遊罨畫池

占勝芳菲地標名罨畫池水光菱在鑑岸色錦舒帷風  
碎花千動煙團柳四垂巧才吟不盡精筆寫徒為照影

搖歌榭分香上酒卮主人邀客賞和氣與春期

寄謝雲安知軍王端屯田

舊邦逢朐虂靈地接岷峨住巔排煙火懸巖引薜蘿雨  
花凝錦濯晴水甚藍按遠地之官去孤舟走嶮多出麾  
無一事傾蓋首相過幸不麾塵外欣承在澗阿春光千  
騎駿天色百城和賞物樓新構鎬文石旋磨為時即慷  
慨得友盛吟哦世重黃金諾人傳白雪歌投壺傾立馬  
飛鏑屢鳴鼙局戰遲敲玉盃歡亂酌螺坐來風入袂歸

去月流波我愧才疎拙生微術揣摩主容勤勞來行色  
覺蹉跎匪用詩為好懷離可奈何

江上遇雪

凍雲交四隅飛雪滿江湖急勢團風轉閒容到水無並  
遊魚喜唱失侶鴈驚呼客棹沿灣泊村醪覓徑酤去程  
方數蜀歸思正遙吳得句同諸弟余懷幸不孤

遊青城山

三十六峯峻維岷在蜀竒方行刺史部重款丈人祠凍



雪諸蕃隔晴雲六面披訪山窮竇洞勅鬼視豐碑泉落  
寒崖響蘿依古木垂良工存舊筆老史琢新詩陟險齊  
雙屐逢幽鼓七絲盤桓不忍去還作更來期

除夜泊臨江縣言懷

縣封蕭索楚江澄旅况吟懷冷似冰漏促已交新歲鼓  
酒闌猶剪隔宵燈立身從道思無愧得路忘機患不能  
未報君恩踰四十青春還是一番增

送交代楊推官

三載從軍績用成代還京闕黯離情亭長且作班荆飲  
江迴愁聞唱棹聲前席去當回帝問初筵今已號賓榮  
交承參袂宜敦好莫惜殷勤重報瓊

初入峽

峽江初過三遊洞天氣新調二月風樵戶人家隨處見  
仙源雲路有時通峯巒壓岸東西碧桃李臨波上下紅  
險磧惡灘名幾許晚停征棹問漁翁

同萬州相里殿丞遊溪西山寺

使君呼客入山行  
曉徑前驅照彩旌  
蠻女背樵崑側避  
番僧攜刺馬頭迎  
千層雲水迷三峽  
一闕人煙認百城  
樓閣憑餘清我聽  
竹風蕭瑟澗泉鳴

送崔度推官任滿還長安

三歲西州此效官  
幙中無事有賓歡  
瞻雲預喜長安近  
歸騎還驚蜀道難  
分秋天涯逢臘盡  
入關時候正春寒  
前途應念朋從意  
回首秦亭一據鞍

謁青城山

背琴肩酒上青城雲為開  
今月為明觀宿有詩招主簿  
廬空無分遇先生牆留古畫  
仙姿活石載奇文俗眼驚  
却念吾鄉山亦好十年孤負  
爛柯行

和見雪

驚恠窮冬百物繁落梅狂絮  
逐風飈酒無戈甲爭酣戰  
詩似波瀾競討源且卸帆檣  
隈斷岸好開屏嶂畫孤村  
知音若問陽春曲待把琴調  
細細論

勉郡學諸生

桐江為守愧顓蒙來喜衣冠好士風  
勸學重思唐吏部  
教人多謝漢文翁濟時事業期深得  
落筆詞章貴不空  
道若未亨須自立莫將榮悴汨胸中

送范都官

莫惜芳樽細細斟還臺詩句滿離襟  
海潮風駕漫幽渚  
鄉岫雲開認故林八月氣涼歸棹快  
三年恩厚在人深  
紫宸曉拜天光近宜有封囊悟主心

和前人重九日寄

丁字溪流甚箭奔，恐看行色夕陽村。  
三吳望遠迷煙棹，九日登高汎酒樽。  
詩得瓊瑤今有意，感克懷抱更無言。  
歸歟一曲桐江好，西北通宵欲夢魂。

次韻鄭琰登睦州高峯塔

舊迹蒙君麗句誇，昔同峯頂躡雲霞。  
逢秋謁寺留詩筆，薄暮歸鞍照月華。  
旋酌香醪浮甕蟻，關烹新茗滿甌花。  
心餘更作儒官會，帳內諸生擁絳紗。

守虔過家登高齋即事

舊里徘徊忽四旬  
高齋高勝足歡欣  
當軒曉看山橫黛  
負郭秋成稼覆雲  
酌酒屢邀朋契樂  
弄琴真與俗喧分  
虔州莫訝遲遲去  
路便恩榮荷聖君

寄永倅周敦頤

君去瀟溪湖外行  
倅藩仍喜便鄉程  
九疑南向參空碧  
二水秋臨徹底清  
詩筆不閒真吏隱  
訟庭無事洽民情  
霜鴻已到衡陽返  
遠緒憑誰數寄聲

次何若谷上巳遊江

金八八八二  
卷一百三十一  
被袂追脩宴集開山川聊為霽風雷衣冠愜樂觴傳羽  
旗鼓淒清笛弄梅畫鷁穩移隨岸曲珍禽驚避逐波顏  
百城錦繡人如織笑看使君乘興來

和虔守任滿前入香林寺餞別

顧我入趨堯闕去煩公出餞贛江頭為逢蕭寺千山好  
不惜蘭船一日留清極往來無俗論道通何處有離憂  
分攜豈用驚南北水濶風高萬里秋

次韻衡守陳守言職方招遊爛柯山



賢侯九日去尋山  
牽俗無由得附攀  
換世昔傳仙局久  
登高今喜使車還  
平原豐稔農歡勸  
犴獄空虛吏放閒  
從此爛柯光價起  
為留佳句落人寰

招運判霍交回轅

自邛之雅漸高丘  
所過從容盡勝遊  
白鶴山頭雲裏寺  
金雞關外雨中州  
公今南按蠲民瘼  
歲已西成輟上憂  
江濱荷花開似錦  
且同歸去採蓮舟

題運判霍交瞻岷閣

閣外風光滿意新諸公同上看梁岷蜀天六月雲如火  
夷界千峯雪似銀巖叟近傳多得壽羽人曾此數登真  
夫君不為神仙事早暮孜孜澤遠民

次韻蔡仲偃都官南歸留別

留詩為別重依依春浪桃花曉弄暉柯嶺崢嶸何處所  
蘭橈安穩送將歸與君志有雲泉約顧我心無羽翼飛  
浮石仙今遺跡在吾廬江畔憶漁磯

次韻孔宗翰水磨園亭

南洋一綫通機磨更引餘波遠曲池高柳碧陰無酷暑  
小蓮紅老惜芳時臨流共賞休辭醉按轡重來未可期  
從此邦人為勝事范公亭榭孔君詩

再登亭偶作

氣象三齊古得名時登海表最高亭河源一水下青嶂  
人物兩城如畫屏邑報有秋期俗阜守慚無術濟民靈  
從來獄市并容地且向樽前任醉醒

答江鉞都官見招

風波岐路益馳奔，踈靜嗟誰得似君。  
樂矣夜觴西嶺月，傲然秋釣北溪雲。  
詩章有趣為千首，利祿無心顧一分。  
雞黍辱招來尉意，俗拘何計入蘭薰。

題府庭海樓

海樓根幹出枿櫚，雙勢凌空劒外無。  
長鎖荆榛嗟廟朽，不禁風雨笑庭梧。  
胡僧過識已千歲，蜀守來觀只兩株。  
離立峩峩同壯士，側身東望拱皇都。

次韻霍交中春遊樂俗亭

自憐拙政無他狀，強繼前賢樂遠民。  
軒豁四簷芳草岸，夷猶千櫂綠波春。  
岷山霽色塵氛歛，錦里風光氣候新。  
暮角未吹人未散，醉歌歡舞共紛綸。

次韻蘇宋遊學射山

錦川風俗喜時平，上已家家出郡城。  
射圃人稠誼畫鼓，龍湫波淨照紅旌。  
迎貞昔詫登天府，命侶今聞出谷鶯。  
勉為遠民同樂事，使臺仍是得賢明。

次韻臘月不見梅花

隔江氣候不齊時  
梅向杭開越尚遲  
春遠未通蓬島信  
臘深先放武林枝  
嶺頭素艷從爭發  
笛裏孤音却後期  
虛白堂前攀折看  
詠公詩句醉金卮

次韻歲暮有感

歲月如流不用嗟  
盛衰前定豈曾差  
自憐覽照頭渾雪  
猶喜觀書目未花  
竺嶺兩曾逢落桂  
龍山三見擷新茶  
春元便欲休官去  
誰顧杭州十萬家

清風閣即事

庭有松蘿砌有苔退公聊此遠塵埃潮音隱隱海門至  
泉石潺潺石縫來夜榻衾裯仙夢覺曉窓燈火佛書開  
休官不久輕舟去喜過嚴陵舊釣臺

杭州上元觀燈

元夕觀燈把酒杯賓朋不倦醉中陪一輪丹桂當天滿  
千頃紅蓮匝地開燈火樓臺高復下笙歌巷陌去還來  
因民共作連宵樂直待東方明始回

有懷程給事

却憶東舟去若仙  
津亭分袂忽經年  
春風境界無多地  
夜月湖山共一天  
海濶坐觀濤擁鷺  
山堂吟聽漏移蓮  
新詩往復交情見  
巨集成來已百篇

次韻前人蓬萊閣卽事

蓬萊意外曉光分  
夢覺初驚杜宇魂  
但有吏供衙府喏  
斷無人到訟庭喧  
濛濛宿靄開湖面  
隱隱更潮過海門  
一水兩州皆重鎮  
越清杭劇不同論

喜吳評少卿致政



春秋七十更踰期同甲同年世所稀未遂乞骸嗟我老  
應輸撒手羨公歸良朋集有湖山樂故里思無羽翼飛  
預想俞音還印日鷺濤秋色上行衣

次韻程給事郡齋秋暑

老為鄉郡止偷安自愧仙踪未易攀八面松陰籠古寺  
三秋桂子下靈山良朋寄思詩篇裏高會追歡夢寐間  
却憶會稽清曠處樵風朝暮若耶灣

觀寶林院塔偶成

寶山新塔冠山形心匠經營不日成突兀挿天三百尺  
莊嚴容佛一千名下臨泉竇靈鰻喜上拂雲端過鴈驚  
入境行人十餘里指浮圖認越王城

次程給事遊梅山寺

上方金碧冠諸峯知是蓬萊第幾宮畫舫去尋湖面濶  
危亭登望海門通梅仙舊約為真隱佛子新傳唱祖風  
我憶前春曾徧覽至今來往夢魂中

郡齋成寄前人

退公真靜獨披襟尚愧前賢探道深零落交遊難屈指  
崇高軒冕不關心未還印綬饒鄉夢猶倚湖山助老吟  
訟詬虛空人事簡錢塘安得似山陰

十八男胤自溫倅迎于鴈蕩溫守石牧之以詩

見寄次韻

自諳趨拜力惟艱柯嶺歸休遠帝宸抱甕不能師老圃  
驅車猶足訪名山魚書入手慙慙後鴈字排空杳靄間  
多荷主人期我意謝公遺跡願躋攀

又白雲庵偶題

紅塵無跡到山家，留待詩人大筆誇。  
坐石與僧談翠竹，開樽邀客醉榴花。  
鷗隨釣叟孤舟遠，牛載村童一笛斜。  
占盡人間瀟灑地，清風明月有誰遮。

送穆舜賓承議致政還鄉

清脩平日得無慚，學道勤行肯妄談。  
軒冕諠譁公始悟，林泉瀟灑我先諳。  
曾憐避弋雲中鴈，每念纏絲罽裏蠶。  
畫舫西歸時節好，春山如黛水如藍。

題濯纓亭

靜處高齋晝杜門  
溪亭來往間開樽  
釣臺逸老心非傲  
浮石仙人跡尚存  
對岸煙林雙佛寺  
隔灘風笛一漁村  
濯纓豈獨酬吾志  
清有滄浪示子孫

題杜子美書室

直將騷雅鎮澆淫  
瓊貝千章照古今  
天地不能籠大句  
鬼神無處避幽吟  
幾逃兵火羈危極  
欲厚民生意思深  
茅屋一間遺像在  
有誰于世是知音

和沈太博會春晚歸

未醉樽前未可歸，青春九十日芳菲。  
名園一夜狂風雨，苔上殘花點綠衣。

次韻見和

去祠靈鎮會真仙，一夕春霖激電鞭。  
待得歸航已新暑，小荷江上綠田田。

題隱者邵醇郊居

驅車乘興謁先生，十里秋光照眼明。  
淨室寒窓無長物，

道書狼籍古琴橫

和曾交見報代者

慣見河陽縣裏花  
何時歸種邵平瓜  
江東正是鱸魚熟  
昨夜西風夢到家

賞春亭

滂葩浩艷滿亭隈  
當席芳樽醉看來  
始信春恩不私物  
亂山窮處亦花開

高峯塔

上石披松十步勞下窺人物見秋毫嗟誰更向孤峯頂  
樹塔孤撐碧落高

送講僧懷儼從居天柱

卓錫江頭十載餘師心純靜到真如更嫌城郭人來近  
移入白雲深處居

登開化寺白賁亭

秋霽濤江氣象寬龍山亭聳凭雲端老僧欲快吾心目  
旋剪當軒竹數竿



漁父五首

一帶寒波雪浪流  
謝郎終日在孤舟  
沙鷗數隻和煙落  
笑倚欄橈獨點頭

月印蒼波入夜寒  
寂寥燈火水天寬  
兒孫未解諳風色  
幾度船頭失釣竿

莫笑生涯一葉舟  
江湖來往自悠悠  
絲頭漫有潭中意  
逐浪魚兒不上鉤

卧看鰕魚日幾遭  
薰葭風起片帆高  
任公信是冥冥者

只候垂鈎釣巨鼇

輕波拍岸瑠璃碧落日銜山玳瑁紅一曲漁歌人不曾  
蘆花飛起渡頭空

戒珠寺

乘暇登高百尺巍羲之遺跡見豐碑戢山下視無窮景  
况壓山巔是佛祠

高齋

軒外長溪溪外山捲簾空曠水雲間高齋有問如何樂

清夜安眠白晝閒

柳軒

動入和風靜惹煙  
翠條疎處露池蓮  
林中盡是能吟物  
春有黃鸝夏有蟬

歸歟亭

密徑脩筠郊外居  
小亭隨意傍歸歟  
等閒早暮攜筇看  
池沼東頭是舊廬

歲日示衆

今年年是去年年此處何曾有變遷  
穿耳胡僧曾說破  
梅花落盡柳生煙

登真巖

殿閣凌空鎖翠嵐  
雪晴春色在松杉  
芝駢羽駕歸何處  
留得雙鳥宿舊巖

石倉歷代詩選卷一百三十六